

UPA 2015/7-imut Aningaasanut Akileraartarnermullu Ataatsimiititaliap isumaliutissiissutaanut ilanngussaq U matumuuna nassiunneqarpoq.

Hermed fremsendes bilag U til Finans- og Skatteudvalgets betænkning vedrørende FM 2015/7.

Ilanngussaq U



Inatsisartut Aningaasaqarnermut Akileraartarnermullu Ataatsimiititaliaq
Att.: Sakarias Amondson.

**Aningaasaqarnermut Akileraartarnermullu Ataatsimiititaliamit
tallimangornermi ulloq 8. maj 2015, nal. 11.00 ataatsimiittarfik 1-imi
siunersiorneqarnissamut aggeqqusissut.**

11-05-2015
Sags nr. 2014-108959
Dok. nr. 1963209

Sammissaq 4: Ukiumut 50 mio. kr.-inik sipaarneq

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

34.12.01 Nunap immikkoortuini peqqinnissaqarfiit, nakorsanit sullinreqarneq

Atorfinnik arfineq marlunnik atorunnaarsitsinerup kingunerisassai itisilerneqassasut kissaatigineqarpoq. Atorfiit qanoq ittut pineqarpat, sumi inissisimappat qanorlu kinguneqassappat? Peqqissaaviup nal. 16.00 matuneqartalernerani kingunerisassat itisilerneqarnissaat aamma kissaatigineqarpoq. Peqqissaaviit tamarmik pineqarpat aammalu qanoq kinguneqassava?

Akissut:

Aallaqqaasiutitut erseqqissaatigineqassaaq, periarfissaqarsimanngimmat nalilersussallugu immikkoortortani sipaarniarfissatut 2015-imi pitsanngorsaaniarnerit angussallugit, tassami sulisoqarniarnikkut ikilisiartuaartitsinerit sunniutaat aatsaat pissammat aaliangiinnermit ukioq ataaseq qaangiuttoq.

Atorfiit arfineq-marluk naatsorsuutigineqarpoq immikkoortortani allaffissornikkut atorfiussasut. Naatsorsuutigineqarpoq qanimut misissussallugu misissueqqissaartoqassallunilu ilumut ajornannginnerseq allaffissornikkut atorfiit sipaarniarfigineqarnissaat, naak toqqaannartumik innuttaasunut sullissinnermut imaluunniit assersuutigalugu aningaasaqarnermut aqutsinermi piunasaqaataasunut.

Atorfiit ilaatigut immikkoortortani atorunnaarsinneqassapput massakkorpiarlu oqaatigisinnaanngilarput sumerpiaq, tassami suliniarneq ingerlassammat suleqatigiisitaliami ataatsimiisitaliaq peqatigalugu. Immikkoortortaneernissaa tunngaveqarpoq - allaffissornikkut immikkoortortat qitiulersinniarneqarsimanngimmata tamakkiisumik, immikkoortortani. Assersuutigalugu immikkoortortat ilaanni allaffissornikkut suli tamakkiisumik sulisoqarpoq tamannalu qitiusumik ingerlatsiniarnerup ineriikkiartornerani

pissutsinullu inerititsiartornermi soorlu aningaasaqarnikkut kiisalu angalanermi inniminniinikkut iluani tamakkiisumik inerikkiartortinneqarsimanani.

Peqqissaaviit nalunaaqutaq kl. 16:00 matusarnissaat pineqanngilaq, weekendini imaluunniit sapaassuarni. Pineqartorli tassaavoq peqqinnissaqarfimmi innuttaasunut attaviit qitiulersinniarneqarnissaat taamaasilluni immikkoortortani innuttaasut ammasarfiup avataatigut peqqissaavimmut sianertassallutik. Matumani peqqissaavimmi sulisunut attaveqartassapput, oqarasuaatikkut attaveqarnitsigut siunnersorneqarsinnaallutik imaluunniit nalilersorluarneqarnerisigut pisariaqartoqartillugu sulisunik illoqarfigisami pigaartunik attaveqarsinnaalluni naak nal. 16.00 matoreeraluartoq. Illoqarfinni pigaartuusut taamaasillutik allannguuteqassanngillat kisiannili artukkerneqarnerat minnerussalluni.

Innuttaasup peqqinnissaqarfiullu akornanni attaveqatigiinnermi innuttaasoq nalilersorluarneqassaaq, tassami immikkoortortani pigaartutut sulisuutut peqqinnissakkut qaffasittumik ilinniagaqarsimasumik pigaartoqartassammat, peqqissaavinni pigaartunit sanilliullugu. Taamaasillunilu qulakkeerneqartassaaq peqqissaavinni sulisuusunit sulinikkut atugassarititaasunut maleruaqqusat soorlu eqqissisimaarfissamut pffissarititaasoq eqqortumik malinneqarnerisut naak ulluinnarni peqqissaavinni sulisunut attuinngikkaluartumik.

Sammissaq 11: Pingajussaaneerinninnissamut teknikkikkut allannguutit

40.94.16 Najukkani tv-kkut najukkanilu radiukkut aallakaatitsisarfiit peqatigiiffiitut tapiissutit –

Ataatsimiititaliamit erseqqissaasoqarnissaa taamaallaat pineqarpoq – najukkani radiukkut tv-kullu aallakaatitsisarfiit peqatigiiffiannut aningaasat missingersuutinut ilanngussami siullermi ilanngunneqarsimanerat kukkunerua? Imaluunniit nutaamik aalajangiisoqarsimava?

Akissut:

Kukkuneruvoq siumoortumik aningaasanik missingersuinermi siullermeertumi aaqqissuussaani tapiissutit illoqarfigisani naalaarutikkut- isiginnaarutitigullu peqatigiiffinnut tapiissuteqartoqarnissaa ilanngunneqarsimammat.

Tamannalu tapiissutaasoq atorunnaarsinneqarpoq Inatsisartut inatsisaat nr. 7 juni 8-nni 2014-meersoq naalaarutitigut- isiginnaarutitigullu suliffeqarfeqarneq malillugu

Sammissaq 12: Pingajussaaneerinninnissamut missingersuutitut sunniuteqanngitsumik allannguutit.

84.40.12 Ilinniartitaanermut sanaartukkat

PISPS-imi sanaartornermut aningaasaliissutit 1 mio. kr.-inik ikineqarnerat qanoq kinguneqassava?

Akissut:

PISPS-p allineqarnissaanut suliariumannittussarsiuussineqarpoq, tamannalu missingersuutaasumit 1,7 mio.kr.-nik appasinnerusimalluni tamannalu Aningaasaqarnermut inatsisissatut siunnersuutip aappassaaneernejarnerani siunnersuutaasumi erserpoq. Taamaattumik PISPS-p sanaartorneqarnissaanut 1 mio.kr.-nik appaaneq kinguneqartussaannngilaq.

84.40.14 Kulturimut timersornermullu atugassanik sanaartorneq

Suliassamut pilersaarut qanoq sukumiitigissava? Kingornagut pilersaarut sumiluunniit inissinneqarsinnaassava imaluunniit sumiiffissamik toqqaanerup kingorna suliassamut pilersaarummik nutaamik suliaqartoqartariaqassava? Sumiiffissamik toqqaanerup kingorna missingersuut C annertuumik allannguuteqartinneqassava imaluunniit missingersuut C-mi ilaatinneqartut sumiiffinnut pituttugaassanngillat?

Akissut:

Suliniuumut pilersaarut "qulisalertakkamik timersortarfissarsualiornissaq" sulilu annertussusissaanik ilisimaneqanngitsoq, sananeqassaaq illersugaassalluni assersuutigalugu nunamut qeriuannartumut assigisaannullu taamaasilluni sumiluunniit inissinneqarsinnaassalluni.

Qulisalertakkamik inuiattut timersortarfissarsualiornissaq Inatsisartunit aningaasalernejarnissaa aaliangernejarpat, missingiussamik aningaasalernejarnissaa suliarineqarumaarpoq sumi inissisimanissaa naapertorlugu kiisalu inissinneqarnissaanut aningaasartuutaajumaartussat assersuutigalugu qaartiterinermi, kuuffiit aqutissaannik assigisaannullu. Taakku aningaasartuutaajumaartussat naatsorsuutigineqartariaqarput sanaartornissamut aningaasartuutaajumaartussat katinnerisa 10%-ianit ikinnerusumik ilaatigullu appartinneqarsinnaasussamik assersuutigalugu inuiattut timersortarfissarsualiornissap inissisimanissaa toqqaveqareersimappat sanaartorfigeriaannaalluni kiisalu kommunerisami piareersarfigineqareersimappat.

Sammisag 15: Aningaasanut inatsimmut isumaqatigiissut

10.13.11 Aktiaateqarluni ingerlatseqatigiiffinnut toqqaannartumik aningaasartuutit

Aningaasaqarnermut Aatsitassanullu Naalackersuisumut ataatsimiititaliap 31. marts 2015-imi allagaani allakkani taaneqartuni ataatsimiititaliap isummersuutaanut Naalackersuisut isummersornissaat ataatsimiititaliamit ugartorneqarpoq. Great Greenland A/S-ip siunissami kiffartuussinissamik isumaqatigiissuteqarfigineqarnissaani isummersuutit taakku Naalackersuisut isumaliutigisaannut qanoq ilaatinneqarsinnaanerannik Naalackersuisut naliliinissaat ataatsimiititaliamit kissaatigineqarpoq.

Great Greenlandimut aningaasaliinissaq pillugu siunissami ilassutitut aningaasaliissuteqarnissamik qinnuteqaatit missingersuusiornermut inatsit naapertorlugu sillimaffigereerneqarsinnaasimangitsunut isigineqarsinnaanersut apeqquuserneqartariaqalersoq ataatsimiititaliamit Naalackersuisumut eqqumaffigeqquneqarpoq.

Ataatsimiititaliaq isumaqarpoq ingerlatseqatigiiffiup aningaasalersuutitut annertoorujussuarmik aningaasartuuteqarnera aningaasat tigorianaat eqqarsaatigalugit pitsaanngitsorujussuarmik inissisimasimanageranut ersiutaasoq. Tamatuma peqatigisaanik ataatsimiititaliaq isumaqarpoq aningaasarpasuit ingerlatseqatigiiffimmut aningaasalersuutitut atorneqarsimasut allatut atorneqarnissaat annertuumik pisariaqartinneqartoq.

Taamaattumillu aningaasaliissutitigut ingerlatseqatigiiffiup akiliutigieriaannagassatut taarsigassarsiaminik malunnaatilimmik appartitsinissaa, taamaalillunilu taarsigassarsianut atatillugu aningaasartuutiminik appartitsinissaa allannguutissatut siunnersuutikkut ugguuna Naalackersuisunit qulakkeerneqassammat ataatsimiititaliamit iluarisimaarneqarpoq. Taamaattumillu ataatsimiititaliamit naatsorsuutigineqarpoq siunertanut allanut atorneqaratik aningaasat ingerlatseqatigiiffiup aningaaserivinnut akiitsuisa appartinneqarnerannut atorneqassasut.

Ingerlatseqatigiiffiup pisiortornissamut pisussaaffiata, tamatumalu nassatarisaanik aningaasartuutigisartagaasa ilanngullugit eqqarsaatigineqarnerisigut kiffartuussinissamik isumaqatigiissutinik naleqqussaaniikkut ingerlatseqatigiiffik aningaasaqarnikkut imminut napatittumik suliffeqarfimmik ingerlatsisinnaanersoq pillugu apeqquut sinneruppoq. Periusissamik suliffeqarfiup siunissami imminut napatittumik ineriartorsinnaaneranut peqataaqataaqataasussamik nassuiaasiortoqassasoq Naalackersuisut paasissutissiisutigaat. Ingerlatseqatigiiffiup aammaarluni

*nassuiaateqarnerata tamatumuuna iluaqutaanissaanik Naalakkersuisut
naatsorsuutiginninnerannut suna tunuliaqutaava?*

Akissut:

Naalakkersuisut naatsorsuutiginnilaat nutaamik maleruaqqusaliornerup kisimi suliffeqarfik ikiorsinnaassallugu. Naalakkersuisulli maleruaqqusaq pisariaqarsorivaat suliffeqarfimmut aningaasaliinissamut tapiissutissamik aningaasaliinissamut aaliangernissaq sioqqullugu. Ilumoorpoq tapiissutissap Great Greenland-ip akiitsuinik appaasinnaammat taamatuttaarlu ernianut aningaasartuutitut malitsigisaanut. Taamatuttaarlu naatsorsuutigisariaqarpoq suliffeqarfiup tunisaasa ukiumi akitsorterussinerni pingasuusuni pitsaanngitsumik inerneqarmat naatsorsuutigisaraluamit.

Naalakkersuisut suliffeqarfiup ineriartornera malinnaaffigeqqissaarpaat, ilisimatitsissutaasunillu nassiunneqarsimasut tunngavigalugit, suliffeqarfiup tunisassatut anguniakkaminik ilisimatitsisutigineqartut anguniarlugit ajornartorsiortorujussuuvoq. Ukioq 2015 piginneqataanermut aningaasaliineq taamaasilluni suliffeqarfiup akiitsuinik apparsaateqassaaq taamatullu ilaatigut aningaasanik atuisinnaanermut matussusiisinnaanermut - suliffeqarfiup ukiup sinneranut tunisaminik pitsanngoriaateqanngippat atorneqarsinnaasunik.

Naalakkersuisoqarfiit arlallit suliniuteqarnerat aallartisarneqareersoq - maleruaqqusaliorortoqarneratigut, suliffeqarfiup tunngaviusumik pisariaqartitaanik isikkiviliissaaq suliffeqarfiup piffissami suloriusissatut iliuuseriniagaanut tunngatillugu. Suleqatigiissitami peqataapput Suliffeqarfiup siulersuisui (piginnittut aallartitaat), Aningaasaqarnermut Naalakkersuisoqarfik, Piniarnermut, Aalisarnermut Nunalerinermullu Naalakkersuisoqarfik kiisalu Inuussutissarsiutitigut, Sulisoqarnermut Tuniniaanermullu Naalakkersuisoqarfik (kiffartuussinissamut akisussaasuusoq). Anguniagaavoq misissoqqissaassallugu periuutsit sorliit atorlugit piffissaq sivisunerusoq eqqarsaatigalugu aningaasarsiutigalugu insertinneqarsinnaasunik tunngaviusunik nukittorsaanissaq, ilaatigut ammit pigineqareersutut pitsanngorsarniarlugit suliniuteqarnissaq. Anguniakkap appaa tassaavoq iluusissanik nutaanik saqqummiinissaq taamaasilluni suliffeqarfik aningaasartuutitut tulluarsarsinnaanissaminut periarfissaqarniassammat, suliffeqarfik tunisamigut appariaateqarnikkut nalaataqarpat. Anguniakkat allat tassaapput tikkuassallugu aningaasaliinerit suut anguniakkap anguniarneqarsinnaaneranut tunisinermut pitsanngoriaataasinnaasut pisariaqarsinnaasorisat. Taamatuttaarlu qiviarneqassapput siunnersuutit suliffeqarfiup aningaasaliissutigineqarneranut tulluarsaanermut pisariaqarsoriat.

Ataatsimiisitaliap erseqqissaatigereerneratut maleruaqqusap kisimi suliffeqarfimmut unammillernartut naammassisinnaanngilai. Naalakkersuisulli nalilerpaat suliffeqarfimik suloriusissatut nutaami suliniarnermi

pisariaqavissutut. Suliffeqarfimmik suleriesissaq soorunami suliffeqarfiup nammineq piviusunngortissavaa innersuussutaasut toqqammavigalugit, nalunaarusiamut ilanngunneqartussamut.

Naalackersuisut kissaatigaat taamatut naalackersuisoqarfiit pineqartumut attuumassuteqartut sulinerisigut pinngitsuussallugu aningaasaliissutaasunik utikattunik tapiisarnissaq. Suliffeqarfiulli aningaasatigut ima nanertisimaneqartigaaq siumut aaqqinneqarsinnaanani, suliffeqarfiup akiitsuunik taamatuttaarlu aningaasartuutiminik pituttorsimanera oqilisaaffigineqanngippat.

20.11.70 Suliniutinut nutaanut sillimmatit

Apeqqu 11.5-imut Naalackersuisut 5. majimi akissutaata danskisuuani qupperneq 9-mi allassimavoq nunalerineq pillugu ataatsimiititaliarsuup kaammattuutai naammassiniarlugit ukiuni tulliuttuni 20-ni 9,5-ini 12 millioninut immikkoortitsisoqartassasoq. Allannguutissatut siunnersuummi missingersuutinut ilanngussami allassimavoq ukiumoortumik 6 mio. kr.-it immikkoortinneqartassasut. Takussutissiamili ukioq manna 3,4 millionit immikkoortinneqarput, taakkulu ukiuni missingersuusiorfiusuni 3,8-nut aamma 4,9-mut qaffariarlutik 4,6-imut appariassapput. Tamanna qanoq paasineqassava?

Akissut:

Aningaasaliissutinik 9,5 aamma 12,0 mio.kr. akornanni issuaaneq apeqquteqaatigineqarsimasunit siulianit akissutaavoq qallunaatuani. Qallunaatornera nassiunneqartumit inerniviumngilaq. Kukkuneq ajuusaarutigaarput taamaattumillu qallunaatuunngortinnera ataatsimiisitaliamut nassiunneqarpoq.

Allannguutissatut siunnersuummit (nr. 157) oqaasertaa ilaatigut ima allassimavoq:

"Aningaasanut inatsisissamut siunnersuut2015 aappassaaneerneqarnissaanut Naalackersuisut saqqummiussippat allannguutissatut siunnersuut nr. 53, immikkut ilanngunneqarpoq kontomut pingaarnermut pingajussaaneerneqarnissaata Aningaasanut inassutissamut siunnersuut2015-imut allallu isumaqatigiinniarnissap ilusilersorneqarnissaannut.

Matumani allannguutissatut siunnersuummi immikkoortinneqartut aningaasanut inatsimmut isumaqatigiissutip imarisaanut allannguutissatut ilanngunneqarnissaa qinnutigineqarpoq."

Qulaani ilanngunneqartut eqqarsaatigalugit eqqaamasariaqarput aningaasat suut allannguutissatut nr. 53-imi ilanngunneqarsimanersut. Uani allannguutissatut siunnersuummi konto pingaarnermi 20.11.70 inissinneqarsimapput 2015-imit 2,6 mio.kr., 2016-imit 2,2 mio.kr., 2017-imit 1,1 mio.kr. kiisalu 2018-imit 1,4 mio.kr. Kontomut pingaarnermut 20.11.70-imit allannguutissatut siunnersuut nr. 53 aamma 157 kisitsisit katillugit ilineqarpata, inernerimmagu ukiumut 6 mio.kr. immikkoortinneqartassasut.

24.13.50 Akileraartarnermi akiitsuusiisarnermilu isertitaqarnerulernissamut sillimmatit

Aningaasartuuteqarnerunissamut sillimmatit pillugit aamma apeqqutissaqarpunga – kisitsisit allanngortinneqarnerannut sunarpiaq tunngaviua – Pituffimmut atatillugu kingunerisassat pillugit paasisutissanik nutaanik peqarpa imaluunniit eqqoriaanerinnaq suli tunngavigineqarpa? November 2014-imi paasisutissat isertuussassat ataatsimiititaliami pigaagut, tassani naatsorsuinerit ilaallutik. Taakku allannguuteqarsimappat?

Akissut:

Aningaasanut inatsimmi piffissami 2015-2018-mut DA-p inernerisaanut sinneqartooruteqalaarnissaanut oqimaaqatigiissaarutitut aaqqissutaanissaa qinnutigineqarsimavoq. Tamanna allannguutissatut siunnersuummi ersarissumik allaqqavoq:

"Isertitassattut immikkoortinneqartussatut qaffaanerup immikkut aningaasanut inatsimmut isumaqatigiissutaasumut ilanngunneqarnissaa."

Pituffimmut tunngatigullugu kisitsisit allanngorsimanngillat. Kisiannili oqaloqatigiinnerit Kalaallit Nunaata, Danmark amerikarmiullu oqartussat akornanni ingerlapput, sulili erseqqittumik inerineqanngilaq kiisalu qaqugu isumaqatigiinniarnert naammassineqarnissaat.

84.40.15 Ilinniartut inaannik sanaartorneq

Ilinniartut ineqarfii nalinginnaasunik ukiuni 2015-2017 pilersarusiornissamut 9 millionit atorineqassapput. Ilinniartut ineqarfii nalinginnaasut sisamat pilersarusiorneqarnerat sooq ukiunik pingasunik siviussuseqassava? Taakku siunissami kisimik sanaartorneqartassappat? Tamanna ima paasineqassava; pilersarusiornerup naammassineqarnissaata tungaanut ilinniartut ineqarfii sanaartortoqassanngitsoq?

Akissut:

Naalackersuisut neriuutigaat aningaasartuutit piffissarititaasorlu naatsorsuutigineqartumit annikinnerussasut. Naalackersuisulli sinaakkusersuinerminni kissaatigisimavaat qulakkiissallugu pilersaarut piffissarititaasup iluani naammassineqarnissaa. Aningaasaliissutaasut sinneqariarpata Aningaasaqarnermullu ataatsimiisitaliap akuersineratigut illoqarfinni ilinniartoqarfiusuni ilinniartut ineqarniarnerannut pilersaarutaasunut atorineqarnissaat kissaatigineqarmat, taamaasilluni ineqartut inissiassaannut pilersuineranut piffissarititaasoq aamma appartikkusullugu.

Ilinniagaqartut ineqarfissaasa ilusissaat "ilusilersukkat" assigiinngitsut arlallit eqqarsaatigineqarput ataasiakkaarlugit, ineqarfiusumut ataasiakkaanut katigunneqarsinnaaneri eqqarsaatigalugit, quleriinnik inissialiortoqarsinnaanera kiisalu illoqarfigisap pilersaarusionerqarneranut tunngatillugu.

Siunertaavorli ilusilersukkat ilinniagaqartut ineqarfiisa ilusaasa assigiissarneqarnissaat taamaasilluni suliniummut piffissarititaasoq sapinngisamik appartinneqarniassammat kiisalu sanaartornissamut aningaasaliinerup eqqoqqissaartumik qulakkeerineqarnissaa.

Ineqarfiusussanik nalinnaasunik sanaartornerup aallartisarneqarnera isumaqanngilaq ineqarfissanik sanaartorsinnaajunnaarnermik imaluunniit sanaartorusunnginnermik, suliniutip naammassineqannginnerani. Ilinniartut ineqarfiinik sanaartornissaq sulissutigineqarpoq tamannalu aningaasanut inatsimmi 2016-imut ilanngunneqarnissaa pilersaarutaavoq. Tamanna isumaqarsinnaavoq ilinniagaqartut ineqarfissaannik sanaartornernik aningaasaliinerit pilersaarutitut aallartisarsareersunut, takuuk aamma sanaartornermut immikkoortortamik marloqiusamik aningaasaliiffigineqarnissamut kissaatit.